

Jónsi og Alex sætastir

Eins og fram kemur í Fréttablaðinu í dag er Sigur Rós víða með plötur á listum yfir bestu plötur áratugarins. Jónsi kemur sterkur inn sjálfur með Alex Somers kærastanum sínum, en þeir eru valdir sætasta parið af tímaritinu Out, vinsælasta tímariti samkynhneigðra í Bandaríkjunum.

Í nýjasta tölublaðinu má sjá hvaða hundrað manns segir að hafi bjargað árinu, að mati Out. Í umsögn er farið fögrum orðum um verk Jónsa og Alex, hvort heldur plötuna Riceboy Sleeps eða myndverk þeirra, sem hafa

verið sýnd víða um heim. Þá er væntanlegar sólplötu Jónsa, Go, getið, sem hann vann með Nico Muhly. Nico var sjálfur á lista Out yfir bestu tónlistarmennina árið 2007.

Aðrir sem prýða lista Out í ár eru meðal annars eitís-stjarnan Cyndi Lauper, sem er „bandamaður ársins“, kvikmyndaleikstjórinn Pedro Almodóvar, sem er „mesti daðrarin“, grínistinn Wanda Sykes sem er skemmtikraftur ársins og Idol-stjarnan Adam Lambert, sem valinn var „út úr skápnunum“ ársins.



Í GÓÐUM HÓPI Á ÁRSLISTA OUT Samkvæmt aðaltímariti samkynhneigðra í Bandaríkjunum eru Jónsi og Alex sætasta parið.

TILVALIN JÓLAGJÖF

eccó Katmandu

Dömuinniskór

99003 00017 Stærðir: 36 - 41

9.995



Herrainniskór

99004 00001 Stærðir: 40 - 45

9.995



Handgerðir þægilegir inniskór gerðir úr alnátúrulegri blöndu af Merino og Jakuxa ull. Skórnir anda mjög vel og tryggja rétta andrúmsloftið innan í skónum. Jakuxaleður er í sólanum sem er slitsterkur og endingargóður

Golfskór

39404 01001 Stærðir: 41 - 46

24.995



Útivistarskór

68153 55878 Stærðir: 36 - 42

24.995



KRINGLAN Sími: 553 8050

SMÁRALIND Sími: 551 8519

the most comfortable place on earth

eccó



SELDI LÍF SITT Á EBAY Ian Usher seldi líf sitt á uppboðssiðunni eBay og hefur ferðast um heiminn undanfarið eitt og hálf ár. Disney keypti réttinn að sögunni og hann er í viðræðum við breskan útgefanda um að skrifa ferðasöguna.

FRÉTTABLAÐIÐ/ANTON BRINK

Ian seldi líf sitt á eBay og vill sjá norðurljósinn á Íslandi

Bretinn Ian Usher tók upp á því í fyrra sumar að selja líf sitt á uppboðssiðunni eBay. Mánuði síðar lagði hann af stað í ferðalag um heiminn þar sem hann var ákveðinn í að uppfylla hundrað markmið sem hann hafði sett sér á jafnmörgum vikum. Ian er nú staddur hér á landi þar sem hann hyggst sjá ísjaka á Jökulárlóni og hin margrómuðu norðurljós. Sara McMahon hitti þennan geðþekka Breta á Tíu dropum í miðborg Reykjavíkur.

„Ég var nýskilinn við eiginkonu mína og langaði að breyta til. Ég ákvað að selja líf mitt og leggja af stað í tveggja ára ferðalag þar sem ég myndi reyna að uppfylla gamla drauma og önnur markmið sem ég hafði sett mér,“ útskýrir Ian. Hann segist upphaflega hafa ætlað að selja líf sitt í einum heildarpakka en það gekk ekki upp. „Kaupandinn átti að fá húsið mitt, sjóskíðin, bílinn, öll húsgögnin, fötin mín og jafnvel vinnuna mína. Það gekk þó ekki upp og í staðinn skipti ég eignum upp og seldi hingað og þangað.“

Disney keypti söguna

Ian hafði verið búsettur í Perth í Ástralíu í sjö ár þegar hann ákvað að leggja af stað í þessa langferð og ákvað að fyrsta markmiðið sem hann skyldi uppfylla væri að fara á snjóbretti í eyðimerkurborginni

Dúbaí. Skíðabrekkan var í miðri verslunarmiðstöð og segir Ian að þetta hafi verið einstök upplifun.

Hann segir fjárhaginn ágæt-an þrátt fyrir stanslaus ferðalög undanfarið eitt og hálf ár. „Ég fékk summu frá Disney sem tryggði sér kaupréttinn að sögu minni í átján mánuði. Það þýddi að ég get ekki selt sögu mína neinum öðrum þessa átján mánuði. Ég hef því ferðast um í boði Disney-samsteypunnar undanfarið ár en sá peningur er næstum uppurinn og nú þarf ég að fara að eyða eigin fé, sem er mun sársaukafyllra,“ segir Ian og hlær. Hann hefur kynnst fjölda fólks á ferðum sínum um heiminn og segir það hafa komið sér á óvart hvað fólk sé almennt hjálplegt. „Ég hef verið heppinn því uppboðið á eBay vakti nokkra athygli og margir höfðu samband við mig í kjölfarið og buðu fram aðstoð sína. Sumir vildu leyfa mér að gista hjá sér á meðan aðrir vildu sýna mér heimaborg sína. Ég er mjög þakklátur öllu þessu fólki og held að þeirra vegna hafi ég fengið aðra sýn á staðina sem ég hef heimsótt heldur en til dæmis hinn almenni ferðamaður. Ég hef líka

eignast marga góða vini í leiðinni,“ segir Ian.

Heldur jól með fjölskyldunni

Ian hefur nú þegar uppfyllt sextíu og sjö markmið af þeim hundrað sem hann setti sér í upphafi ferðarinnar. Nái hann að upplifa norðurljósinn og ísjakana hefur hann uppfyllt sextíu og níu markmið. Eftir Íslandsdvölinna heldur hann heim til Bretlands þar sem hann mun eyða jólinum með fjölskyldu sinni. Í byrjun næsta árs heldur hann svo til Suður-Ameríku þar sem hann ætlar meðal annars að upplifa kjötkveðjuhátíðina í Ríó og ferðast um slóðir Inkanna.

Ian lýkur ferðalagi sínu 4. júlí á næsta ári, en þá hefur hann farið tvisvar sinnum í kringum hnöttinn. Spurður hvort hann kvíði því að snúa heim tómhentur segist hann lítið hafa hugsað út í það. „Ég veit ekki hvar heima er lengur. Ég er ekki viss um að ég muni snúa aftur til Ástralíu þegar þessu lýkur. Ég hafði hugsað mér að reyna að skrifa bók um ferðalagið og hef verið í viðræðum við útgefanda í Bretlandi þannig að það getur hugsast að ég snúi aftur heim til Bretlands.“

- sm

IAN Í HEIMSPRESSUNNI

Þegar nafninu Ian Usher er slegið inn í leitarvél Google birtist fjöldinn allur af tenglum inn á vefsíður tímarita víða um heim. Meðal þeirra sem hafa fjallað um manninn sem seldi líf sitt má nefna BBC News, The Daily Mail, Huffington Post, The Sun og The Quirer.

Málið vakti gríðarlega athygli bæði í Ástralíu og Bretlandi á

sínum tíma, enda þótti uppátækið óvenjulegt.

Þessi athygli hefur þó verið Ian til framdráttar því eins og kemur fram í viðtalinu sýndi Disney-samsteypan áhuga á að kaupa kvikmyndaréttinn að sögu hans auk þess sem Ian hefur verið í viðræðum við bókaútgefanda í heimalandi sínu, Bretlandi.

Týnt viðtal við Lennon birt

Viðtal sem var tekið við John Lennon og Yoko Ono árið 1968 hefur loksins verið birt í heild sinni, 41 ári síðar. Það voru breski háskólaneminn Maurice Hindle og skólafélagi hans sem tóku viðtalið, sem hefur nú verið birt í blaðinu New Statesman. Það var John Lennon sjálfur sem sótti nemana tvo á lestarstöð skammt frá heimili sínu í Surrey. „Fyrir utan Weybridge-stöðina stöðvaðist Mini Cooper-bíll með skyggðum rúðum sem leit út eins og bíll úr The Italian Job-myndinni,“ sagði Hindle. „Í bílstjórásætinu var Lennon. Við tróðum okkur í aftursæti bílsins og John keyrði okkur upp holóttan einkaveginum sem leiddi að heimili hans.“

Viðtalið stóð yfir í sex klukkustundir. Í því ræddi Lennon um þá gagnrýni sem hann og Bítlarnir höfðu fengið fyrir á árinu frá sósíalístanum Tariq Ali. Þar gagnrýndi Ali meðal annars lagið Revolution og þótti það áhrifamínna en margir vildu meina. Lennon þótti lítið til skrifa Alis koma og taldi að hann þyrfti að breyta um hugsunarhátt ef hann vildi breyta samfélaginu til hins betra.

JOHN OG YOKO Viðtal við John Lennon og Yoko Ono frá árinu 1968 hefur loksins verið birt í heild sinni.

